

Lejardik eta Titin III.ak hasiko dute gaur Manomanista

■ Titin III.ak gaur jokatu du bere lehen partidua txapelketa honetan (17:45, Tele 5)

A.U. / Donostia

IAZ bezala, aurten ere Logroño hasiko da Lehen Mailako Manomanista. Eta, iaz bezala, pilotari errioxar eta bizkaitar baten arteko partidua batekin izango da. Iaz Irazola eta Santi neurtu ziren eta Irazolak 22-20 irabazi zuen. Gaur Lejardi eta Titin neurtuko dira.

Bi pilotarientzat oso partidua garrantzitsua da gaurkoa. Irabazleak Lasa III.aren aurka jokatu du. Atzelari nafarrari irabaztea oso zaila denez, bai Lejardientzat eta bai Titinentzat txapelketan partidua bat irabazteko aukerarik onena da gaurkoa.

Partidua honetan ikusiko da Titin txapelketa honetan zer egiteko gai den. Zortea izan du, aurkariak izan zezakeen egokienetakoa baituridi. Lejardik txapelketa honetan jokatzeko duen bigarren partidua izango du. Iaz, 22-1 galdu zuen Eugiren aurka. Buruz buru, partidua hartan erakutsi zuena baino askoz gehiago dela azaldu nahiko du gaur.

Lejardik argi dauka nola jokatu duen, dena atzera joko du Titin frontisetik ahalik eta urrutien edukitzeko. Titinek iragarri du tantoa azkar bukatzen saiatuko dela.

Asteburuko bigarren partidua bihar jokatu dute Eibarren Nagorek eta Elkorok. Ostegunean aukeratu zituzten pilotak. Elkorok pilota bi-ziak apartatu zituen, 105,2 eta 106 gramokoak. Nagorek, pilota pisutsuagoa eta behetik ibiltzen direnak, 107 eta 106,9 gramokoak. X

gaurko partidua

■ LOGROÑO 17:45

● Lehen Mailako Manomanista: Lejardi / Titin III. Unanue - Galarza III / Capellán - Errasti.

■ BERGARA 17:00

● Zabala - Balerdi / Urionaguena - Bazeta. Salaberria - Beloki / Etxaniz - Zezeaga.

■ GALARRETA 16:00

● Altuna II - Urko / Sarasua - Barrenetxea. Urretabizkaia I - Etxabe / Altuna I - Eizagirre. Kalonje - Zubeldia / Zeberio II - Auzmendi. Odriozola - Urretabizkaia II / Intxaurburu - Zandio.

■ EUSKAL 16:00

● Aizpuru - Adin / Urrutia - Zestau III. Elizalde - Aizpuru / M. Lekunberri - A. Lekunberri. Matxin - Lizaso / Arregi - Iriarte. Bitoria - P. Lekunberri / Iñigo - Ekiza.

■ DURANGO 17:00

● Solozabal - Egiguren I / Alex - Alain. Konpa - Goitia / Rekalde - Enbil. Altuna - Arkarazo / Mayo - Gofa.

Pilota

'Arronizko magoa' joan da

Atzo, 87 urte bete behar zituen egunean, lurperatu zuten Jesus Abrego erremontista

○ stegunean hil zen Jesus Abrego erremontista Donostian. Lurperatzea eta hileta elizkizunak atzo egin ziren Iruñean. Jokatzeko ikusi zutenen ustez, Abrego historiako erremontistarik handiena izan da. 14 urterekin hasi zen enpresako partidua jokatzeko eta 37 urte geroago erretiratu zen, 41 urte zituela.

Aitor Ugalde / Donostia

JESUS ABREGO Arronizko magoa gaixorik zegoen aspalditik. Mokorrean egin zioten ebakuntza gain, arnasketa arazoak zeuzkan. Urte eta erdi inguru zerraman Galarretan partidurik ikusi gabe. Frontoi horretan jokatu ez bazuen ere, bertako partiduetako ikusle fina zen gaixotasunak etxeratu zuen arte.

Jokatzeko ikusi zutenen ustez, historiako erremontistarik onena izan da. Gorputzez handia ez bazen ere, pilotari indar handia ematen zion. Esaten zuten pilotalekuaren kanpo aldetik nabaritzen zela Abregok noiz jokatzeko zuten, pilotak paretan ateratzen zuten zarategatik. Horrez gain hanka azkarrak eta posturak ondo dominatzen zituen, urte askotan erremontean nagusi izan zen Jesus Abrego.

Arronitzen jaio zen 1910eko martxoaren 7an. Aitaren pilota zaletasuna berak eta bere bi anaiek jaso zuten. Hirurak erremontistak izan ziren: Jesusez gain, Jose Mari Abrego, Abrego II.a, eta Julio Abrego, Abrego III.a. Jesus atzelaria, beste biak aurrelariak. Hiru mutilen aita artekaria zen Iruñeko Euskal Jai pilotalekuan. Aitak etxera eramandako saskiarekin hasi ziren mutilak erremontean jokatzeko.

Jesus Abrego berehala nabarmendu zen. 13 urterekin jokatu zuen bere lehen partidua garrantzitsua. Lizarran izan zen, Arzeren aurka, eta Jesusek irabazi zuen. 14 urterekin, 1924ko abenduaren lehen, Euskal Jai pilotalekuan debutatu zuen. Olague zen bere bikotekidea eta Mendoza-Santamaria aurkariak. Galdu egin zuen lehen partidua hori, zortzi joko zazpiren aurka.



Jesús Abrego, eskubitarra, Atano III.a pilotariarekin.

ARTXIBOKOA

Orduan jokotara jokatzeko ziren partidua.

Abregok goraka egin zuen etengabe. Handik gutxira, 1925eko Sanferminetan, ordura arte Abregok miresten zuen Jose Irigoien Nafar lehoia-ren aurka jokatu zuen. 9-4 galdu zuen lehen partidua hartan, baina denbora gutxi barru 9-1 irabazi zuen Jose Irigoien aurka.

16 urterekin, 1926an, Donostiako Moderno pilotalekura joan zen. Frontoi b